

船山遺書

第九函
第四冊

蓮
峯
志

船山遺書 史部

中華民國廿二年十二月
上海太平洋書店重校刊

劉陽 李英侯 總勘
劉陽 張告吾 輯校
平江 李蘊平

蓮峰志目錄

卷一

敕諭 原志序

卷二

沿革 形勝 名蹟 附麗

卷三

名遊 祀典 禪宿 物產

卷四

序記

卷五

詩 總序

特 錄

卷正

卷四

卷四

卷三

卷三

卷二

卷二

卷一

卷一

卷一

卷一

卷一

蓮峰志卷一

衡陽王夫之譔

敕諭

神宗皇帝諭敕壹道

皇帝敕諭方廣寺住持及僧衆人等朕惟佛氏之教具在經典用以化導善類覺悟羣迷于護國佑民不爲無助茲者聖母慈聖宣文明肅皇太后命工刊印續入藏經十一函并舊刻藏經六百三十七函通行頒布于本寺爾等務須莊嚴持誦尊奉珍藏不許諸色人等故行褻玩致有遺失損壞特賜護持以垂永久欽哉故諭

廣 運

萬曆二十二年 月

之 寶

原志序

蓮峰翰墨志序

南山之畱余與師泉劉君訥谿周君時對牀方廣住僧眞定持所藏晦庵南軒二先生暨當時諸賢先後所遺題詠欲爲山志以傳山中曰無俾茲山遭名賢多而守之者顧落寞也亦靳于有續焉且將持此爲高客欸也余曰可也嶽之勝也高則祝融深則蓮華或曰高不可以久居深可探焉高覽而深探嶽之勝也斯志也蓋具見乎深林窈壑爲深栖之勝者矣然在今距宋乾道蓋三百餘年何倏如昨日也宇宙寥廓俛仰今昔不有感于遊人者乎二翁遺響至今日諸賢可以指計焉何蹤跡希闊也豈曰花源路迷石梁雲隔者類邪言之可誦不一也而固有厭塵鞅者抒幽憤者適恬曠者肆遐覽而寄閑談者深探邃論皇皇焉身若營乎千古者知言者之于斯也察性情矣區人倫矣其道汗隆其時升降可以觀可以興然者矣然則君子之至于斯也可以資德矣登高而作賦獨云乎哉茲山僧欸客奚止于茗具蔬盤亦奚止清泉白石煙樹雲蘿畢供其所有者哉亦奚止乎其巖栖堪寄爲不落寔也哉因書其簡且爲正其次第題詠之後志二賢祀典祠田并

其寺業修復之蹟云嘉靖壬子冬十一月長至前七日三峰山人前監察御史安城劉陽序

壬子之夏余求師友于安城與師泉三峰二君子聚講數月秋復同入南山至是過蓮峰下謁晦庵南軒兩先生祠祠在方廣寺云兩先生嘗宿此故祠之感仰興懷旬餘不能去寺僧真定輩哀集今昔諸吟咏刻梓以永茲山勝事三峰劉君爲次第而序之詳矣余于茲抑有感焉恆言曰地靈人傑是以人之賢不肖責之地也人亦有言人傑地靈是亦地之章闇係于人也觀茲集焉辨矣南嶽之蓮花峰在崇崗絕磴中深入而幽潛八峰矯好若青蓮出水蛻埃壒而亭立淨明奇麗嶽之一勝也禪修寂學者往往擇而栖焉宜其人之高潔遠俗世緣不能染也然惟傳梁之時有高僧惠海跡似影響嘉靖初有潔空者堅志苦行復興法門是興廢由夫人也名賢貴客選勝揆奇遊觀必至然惟宋之兩先生及近代諸君子數篇其勝已曄然增輝視和璞白珩有光焉是章闇由夫人也觀茲集焉辨矣茲集誠茲山之墨寶乎寺僧能世修其師之志行不替茲山之興而章也其有旣乎兩先

生不遠千里會友問學風雨冰雪淬志彌勵笑談咏歌箴規斯存其一遊一息一
話一字人皆愛慕敬仰之不置也固宜後來君子遐心苦志時發泄于吟咏閒非
徒寄興于山水者茲集也可以尙友可以攷德可以稽往可以知來覽者將有取
焉余過時荒學仰止前修負良朋而愧山靈也謹題末簡用記永懷云嘉靖三十
一年壬子冬臘月八日宛陵周怡書

蓮峰志卷二

衡陽王夫之譔

沿革

古蓮花峰其地潭也數峰相逼自山西北瀾水于是曲流三百餘里至一宿河口入于湘潭逼水初派瀑爲紆流傳蕭梁時惠海尊者募法于此磬煙際舉五丈夫集焉尊者已心億之分別同異不起于心法已五丈夫辭去尊者訊之具以龍告且云聞師威儀以何爲供尊者曰以地大供良久沒去有頃雷電振簸左繞潭右林樾籟響夜不停音遲明視之迤峰斥潭平沙如夙治者居人山衲俱詫異之時梁武帝万隆佛教天下翕然稱之故其說不中隱以聞于朝則惠海尊者鼻祖之自來也或曰惠海尊者爲方廣開山蓋海印雙僧之流也

寺以尊者故建今寺後拜經臺乃其址始于天監二年歲癸未歷陳隋唐宋元或革或沿然此山以龍立以法沿由梁以前未顯實爲潭始基之故以梁始旣歷陳隋唐宋元明興寺蓋未絕年湮久漸圯嘉靖二年癸未僧潔空德蘊義天德仁修

之板屋鍊瓦潔空者卽偈所謂七十三年老潔空之禪悅也

又歷九十六年所萬曆四十七年己未火僧少庵如峰安然性柱再建

又歷甫九年崇禎元年戊辰火己卯督學使遷治鄖中丞崑山王公永祚澄川屬僧凝然性翰壬午學使梁溪高公世泰彙旃益命之性翰出其衣鉢資糧以隆武元年乙酉十一月十二日再造與其役者楚撫義興堵公胤錫仲緘衡陽王介之石子管嗣裘冶仲夏汝弼叔直王夫之而農襄之也

嗚呼山豈不以人哉則朱張二夫子最矣匪徒峰也自唐元和韓子登南嶽望藍嶺揮涕焉嗣宋三百年矣非二夫子誰可與登岳者況峰之岿巖一隅多荒歲月者哉又非尹子湛子劉子諸人之興起于二百年後則兩夫子不傳二賢祠者祠兩夫子者也湛子若水尹子臺劉子陽初建亡歲月田與祠尹子所捐也

嘉會堂湛子所命也以命祠

祠與寺廢未興高公世泰問其址乃立五楹駢立窈然幽邃弘光元年夏堵公胤錫隘之作前宇王介之夏汝弼王夫之實經營之

始火儀部曾鳳儀舜卿遷祠主于集賢禮也記曰廟火三日哭寄主于別宮古之道也不曠食

祠成奉主于故宮者衡山知縣董公我前受于衡李朱公子覲永李吳公晉錫董以癸未殉節死名祀煌煌援賢益彰非其人弗翔董令協也

形勝

凡峰勝不系于峰者弗綴不倚于峰者弗綴不苗裔于峰者弗綴故云峰形之勝自天台來南迤徑妙高折入寺寺徑菁幽泉鳴履下洑出林閒耳不絕潺湲目窮于蒼翠到戀響臺下乃復見妙高以北墳起蜿蜒其一支也

自觀音峰來西援徑數小峰入寺有三巘壁立若倚傍屏護之錯落口垂矗爲萬疊而山得不儉此又其一支也

自國清東來逕朝陽上爲潭水絕潭而東水氣白隔山不能壁立泝騰未息徑數邱或林麓或頽岡峰之水又注焉又絕水橋爭接之入寺則西峰援大坳以迄乎北周匝若羅畫溪繡谷咸在其中此又其一支也

自大小坳來通天一枯北下鳥道危崖乃得泉石青蔥幽咽宜游者之樂憩乎此峰徑之勝莫妙于兩坳然自寺望之僅見出道不見勝處其一支也

凡入蓮峰觀其簇立疊瓣堆根知名之自立也凡入蓮峰四山向拱之天台揖之兩坳奔之觀音翼之前曠後窈知形之自來也凡入蓮峰亭午見日狂飈見風或屏或障或控或扶坦焉中開知寺之自基也凡入蓮峰山見幽水見咽林見未得之樹馴不畏人見猿鹿人靜道生知兩夫子之有樂于此也山勝蓋備矣

譚子曰方廣宜自爲記夫自岳來者目淫于能仁心醉于福昌渡北斗嶺登親生坡固知岳之不窮也得方廣而後饜焉而且得不系之岳岳之有方廣天地之有蜀也蠶叢道盡是有錦城今割蜀而委之是昔者不宜有五丁之闢也然奇險幽異觀于蜀者淺天下譚子曰方廣宜自爲記大辭也

雨光初霽林樾洗潔若碧若縈蜿其北峙者湘鄉之荆紫也山不盡荆紫荆紫最映下爲平田中間數十里若一畦此又一大支也

古諺曰湘隨峰轉望衡九面由衡陽下者西見白石峒嶺南見荆紫由衡山下者

昭潭之間高或見祝融或見天柱未有見蓮花者湘爲岳鏡峰匿其英殆山之隱逸者與

峰雪最絕曉雲時口彌望森白人立其中天與四映春晴之夜月簷聞響蕭瑟吟困泉初細雖非賞者淒感肌魂果不復信有人間世矣

衡岳志曰蓮花峰方廣寺居其下四水縈繞山如蓮瓣

名蹟

嘉會堂 兩夫子同三山林用中唱和蹟也

今建燬

天下名山 宋徽宗御書降于方廣立坊

後燬

古鑊 寺有千僧鑊

今燬

娑羅泉 寺後傳有娑羅樹覆其上

洗衲石 石平向泉水逸其上薄流清駛如可洗濯卽惠海尊者洗濯處也太守

海南李燾斗野鐫其上

補衲臺 寺右惠海尊者補衲處一石鼎立林樾幽集一曰嘯臺

嘯臺 補衲之別粵人張博讀書其上岳和聲鐫之

戀響臺 譚友夏元春以易嘯臺也

車轍亭 寺右相傳百八阿羅漢運糧于此憩力分餐以爲靈蹟

岳遊碑記 竟陵譚友夏元春撰朱菊水司馬時分帥鄧子命衡倅陳允問鐫之

樹陰泉上乃譚子所自擇處記見後卷貌雲響水誠一時之絕構也

古馬蹟橋 平田流水上此卽岳矣張南軒記云登馬蹟橋卽此

飛來鐘 相傳飛來凡寺多託之此鐘鳴異常鐘知非人間金火物信寺寶也

卓錫泉 高禪飛錫地或雙僧之流卓杖于此

靈源閣 譽禪師所居以館洪覺範宋以上名刹也

甘露滅齋 靈源閣之別覺範有銘見禪宿志其云甘露滅者萬法未起本無甘

露而何有滅萬法旣起乃知甘露于是費滅傳謂範少罹憂患隱衡岳乃立此齋則其早年未離文字而得魔固非禪覺之夙達也

潭字 黑沙潭三字大徑三尺蒼蘚剝白遊者或見之

峰字 妙高峰寺右鐫縣岸上

湧几 王夫之鐫詩敘曰大坳而下平橋叢石閒覺有異已忽兩石臨水下石承上石旁壁頂覆可度可登予命人爲級穿折于肩肘之間攬度裂處顧其逼鬱尙以翔移爲苦造形以來悠悠者誰望而目之則經此者又可知矣舉酒酌石貌以湧几今往後來遊覽相積風雨苔蘚之所不忌則此石其傳也已時崇禎甲申陽月壘後

曠古登應少問之石不知此山初得主于岳覺增奇葉動鳴泉處橋寒亭午時有來增勝慨切葺突西施

附麗

南石廩峰 在岳西南其上方闊十丈形如倉廩有二戶一開一闔湘中記云開則歲豐闔則歲儉上有承天寺玉清宮故址風穴雷泓鬼栽石誦經壇陳真人煉丹臺傳有胡浮先生者蓋得道士嘗乘白鹿遊之峰下白羊坪寺之址也

西白雲峰 在石水源上有石灰庵出五松樹下聞水田聲卽衡陽矣

東北天堂峰 火嶺頭煉泥墳皆其地也又爲潛聖峰

潛聖峰 在岳右昔高僧希遷遊南岳尋方廣惠海尊者了無蹤跡一日見精舍

號方廣遇尊者詰之畱一宿去

妙高峰 寺後左潛聖右妙高其中平坦卽五龍攞沙成地之蹟

天台峰 寺西天台智者拜楞嚴處也有拜經臺遺蹟

西北獅子峰 下山矣峙若蹲貌鼻目巉刻然柿蒂峰亦名獅子王子遊此下易

其名曰旋帽自峰下視之若累髮光髯宛然小頭嶺石梯子段宿嶺皆寺

地也

南桐油嶺 有西明寺林泉曠異下可安步

明月峰 有承天楚日二寺遺址與寺對踰之卽小嵩山

排子嶺 明月峰後蓮峰之支裔垂結于此

黃沙潭